

## ■ PLED PER LA DUMENGIA

# Dumengias, baselgias, figls e figlias da Dieu

DA GISULA TSCHARNER

**L**a dumengia, exista ella per lils carstgauns, u existan ils carstgauns per la dumengia? La dumengia sco oasa per corp ed olma è in regal extraordinari per che nosa vita flueschia en in bun ritmus da lavur e ruaus. Cler, per tut quels che lavuran la dumengia, e quai è il cass en fitg blers matergns, è quest di regalà x-in auter di durant l'emna. In regal na dumonda nagut per dar retur, uschiglo na fissi nagin regal. Dieu ans ha dà quests dis d'oasa, el ma lube-scha da festivar intginas uras, per mamezza, per el, cun el, sper el u en el, cun auters u cun el ed auters... nagut è ordinà, tut è pussaivel. I duai far dal bien a mai ed ad outra glied.

**L**a baselgia, exista ella per il cartents u existan ils cartents per la baselgia? En il mument, almain en il mund european, ston ins prest d'affirmar la segunda dumonda. Las baselgias refurmadas fan pittipatti, supplitgeschan lur commembers da star fidaivel, quasi ord malgutgà, per mantenair l'instituziun. En la baselgia catolica ha il papa cun ses cunregents emblidà ch'i detti anc in Dieu

plipussent ch'els. El dovra ils muvels cartents che din gea ed amen per mantegnair l'imitsch da quest'instituziun.

**L**a Bibla, servescha ella la baselgia, u servescha la baselgia a la Bibla? Ni l'in ni l'auter, hai jau savens l'impressiun durant discurs davart «Baselgia: Co, cura, nua e sche insumma?»

**L**à vegn per exempel Jesus da l'rar numnà, numnà sco carstgaun fenomenal, sco ch'el era. Therapeut, misticher, filosof, profet, disputader e referent, revoluzger social e cumpel per glied da tuttas sorts – sche quai sulet n'è betg ritgezza avunda ed in exempel per nosa cultura da cretta? Ha Jesus fundà ina baselgia instituziunala? Na, per l'amur da Dieu, en cuntrari, el ha purschì a mintga carstgaun insatge auter, casual, persunal. E gist la baselgia tema questa «casualità». Jesus è diventà nunpussaivel, per ils cartents uffizials. Cura finalmain han ils gremis da las baselgias la curascha da suandar Jesus, da vegnir nunpussaivels ed avrir lur uffizi? Perder sa esser guagnar.